



## FONDO SOLIDARIO DE LIBROS DE TEXTO AXUDAS PARA ADQUIRIR LIBROS DE TEXTO E MATERIAL ESCOLAR CURSO ESCOLAR 2023/24

### NORMA

ORDE do 10 de maio de 2023 pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, educación secundaria obrigatoria e educación especial en centros docentes sostidos con fondos públicos para o curso escolar 2023/2024 (código de procedemento ED330B) (*Diario Oficial de Galicia do 19.05.2023*).

### Centros docentes da Comunidade Autónoma de Galicia sostidos con fondos públicos

### DESTINATARIOS

- **Fondo solidario de libros de texto:** alumnado matriculado en 3º, 4º, 5º e 6º de EP e en 1º, 2º, 3º e 4º da ESO.  
En 4º e 6º de EP e 2º e 4º da ESO permitirase a substitución dos libros de texto para a adaptación aos currículos que establece a Lei orgánica 3/2020, do 29 de decembro, de modificación da Lei orgánica de educación (LOMLOE).  
En 3º e 5º de EP e 1º e 3º da ESO manteranse os libros de texto do curso 2023/2024.
- **Axudas para adquirir libros de texto:** alumnado matriculado en 1º e 2º de EP e en educación especial (EE); así como as axudas que pode recibir o alumnado incluído na disposición adicional primeira (discapacidade  $\geq 65\%$ ) e na disposición adicional segunda (necesidades específicas de apoio educativo –NEAE-), circunstancia que fará constar o centro na solicitude.
- **Axudas para adquirir material escolar:** alumnado matriculado en EP, ESO e EE.
- O alumnado matriculado nos centros e cursos incluídos no **proxecto educación dixital (E-DIXGAL)** no curso 2023/24 está excluído da participación no fondo solidario de libros de texto e das axudas para adquirir libros de texto. Non obstante, poderá solicitar a axuda para adquirir material escolar cando reúna os requisitos establecidos na orde.

## PRAZO DE PRESENTACIÓN DE SOLICITUDES

Do 22 de maio ao 21 de xuño de 2023, ambos incluídos.

## FORMA DE PRESENTACIÓN

- A solicitude será única para todos os fillos.
- As solicitudes presentarase preferiblemente por vía electrónica no formulario normalizado (anexo I) dispoñible na aplicación informática Fondolibros (<https://www.edu.xunta.es/fondolibros>), a través da sede electrónica da Xunta de Galicia: <https://sede.xunta.gal>.
- Opcionalmente, poderanse presentar as solicitudes presencialmente nos centros docentes ou en calquera dos lugares e rexistros establecidos na normativa reguladora do procedemento administrativo común.
- Cando o alumnado, no momento de presentar a solicitude, aínda non estea admitido en ningún centro docente para o curso 2023/24, deberá presentala no centro en que estivese matriculado no curso 2022/23.
- Para presentar as solicitudes poderase empregar calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e Chave365 (<https://sede.xunta.gal/chave365>).
- A solicitude deberá estar asinada polo pai, nai, titor/a ou representante legal do alumnado, e a súa presentación implicará que acepta as bases da convocatoria, que cumpre os requisitos exixidos nela e que son certos os datos indicados na solicitude; así mesmo, que se compromete a conservar en bo estado e a devolver ao finalizar o curso os libros de texto e o material reutilizable recibidos do fondo solidario ou adquiridos coa axuda para libros de texto.

## DOCUMENTACIÓN OBRIGATORIA

- ANEXO I debidamente cuberto.

- DOCUMENTACIÓN COMPLEMENTARIA:

Para o alumnado de EP e ESO

- a) **Anexo II** para a comprobación dos membros computables da unidade familiar.
  - Para os seguintes documentos si a persoa solicitante e/ou os membros computables **se opoñan a esta consulta**, deberán indicalo no cadro correspondente, ademais de achegar os documentos xustificativos:
    - DNI ou NIE
    - Certificado do grao de discapacidade recoñecido pola Xunta de Galicia
    - Percepción de pensión por incapacidade permanente total, absoluta ou gran invalidez, ou de pensión de clases pasivas por xubilación ou retiro por incapacidade permanente para o servizo ou inutilidade (equivalente a unha discapacidade igual ao 33%)
  - Para a declaración do imposto sobre as persoas físicas ou, a falta deste, o certificado de imputacións de renda do exercicio 2021 será necesario o consentimento expreso. No caso de non autorizar a consulta deberán achegar os documentos xustificativos.
- b) Se o solicitante posúe DNI ou NIE:
  - Copia do libro de familia ou equivalente onde figuren todos os membros computables.
  - En caso de separación ou divorcio, ademais deberán achegar a sentenza xudicial e/ou convenio regulador onde conste a atribución da custodia do/a menor.

Nos casos especiais, en que a composición da unidade familiar non se axuste ao sinalado no artigo 4.1 desta orde, achegárase un certificado ou volante de convivencia no que deberán figurar o/a alumno/a e todos os familiares que convivan con el/ela, ou un certificado dos servizos sociais do concello que acredite a situación familiar.
- c) Certificado acreditativo do **grao de discapacidade**, se fose o caso, recoñecido por un órgano que non pertenza á Xunta de Galicia.
- d) **Violencia de xénero**: Acreditarase en calquera das formas que enumera o artigo 5 da Lei 11/2007, do 27 de xullo, galega para a prevención e o tratamento integral da violencia de xénero.
- e) Resolución xudicial de curatela representativa ou de patria potestade prorrogada ou rehabilitada mentres non se produza a revisión desta medida. no caso que corresponda.
- f) Resolución administrativa ou xudicial acreditativa da situación de acollemento ou certificado do centro de menores para o **alumnado en situación de tutela ou garda da Xunta de Galicia**.
- g) Certificado de convivencia, volante de convivencia ou informe dos servizos sociais ou do órgano equivalente do concello onde resida a familia, **no caso de que o pai e a nai ou o titor e titoras carezan de DNI e NIE**.

En todo caso, os documentos deberán ser válidos e eficaces no momento da súa presentación, e reflectir a situación persoal, familiar e económica a 31 de decembro do 2021, agás no caso de violencia de xénero, en que se aplicará o disposto na lexislación específica.



## DEVOLUCIÓN DOS LIBROS DO CURSO 2022/2023

- Ao rematar o curso 2022/23, o alumnado beneficiario de libros de texto ou do material substitutivo dos libros cando sexa reutilizable, tanto se o recibiron do fondo solidario como se o adquiriron coa axuda para libros de texto, deberá devolver todo ao centro para a súa incorporación ao fondo solidario para o curso 2023/24.
- O prazo para devolver os libros de texto remata o día **21 de xuño de 2023**.

## OUTRA INFORMACIÓN IMPORTANTE

- **PUBLICACIÓN DA LISTAXE PROVISIONAL DE BENEFICIARIOS:** 26 de xuño de 2023.
- **RECLAMACIÓNS Á LISTAXE PROVISIONAL:** 27-28 de xuño de 2023.
- **PUBLICACIÓN DA LISTAXE DEFINITIVA:** 29 de xuño de 2023.
- **ENTREGA DE VALES DE MATERIAL ESCOLAR:** 3, 4 e 5 de xullo de 2023.
- **REPARTO DE LIBROS DO FONDO SOLIDARIO:** 7 e 8 de setembro de 2023.

## RESUMO DO FONDO E DAS AXUDAS

	Renda per cápita familiar				Calquera renda per cápita									
	≤ 6.000€		> 6.000 e ≤ 10.000€		≤ 6.000€		> 6.000 e ≤ 10.000€		En garda ou tutela da Xunta	Discapacidade ≥ 65%		Educación especial		
	Libros de texto		Material		Libros de texto	Material	Libros de texto	Material	Libros	Material	Libros	Material		
1º e 2º EP	240€		160€				240€		300€					
3º, 4º, 5º e 6º EP ou ESO	Fondo: 6 libros <sup>(1)</sup>		Fondo: 4 libros <sup>(1)</sup>		75€	60€	Fondo: 6 libros <sup>(1)</sup>	75€	Fondo: 6 libros <sup>(1)</sup> ou: 300 € <sup>(2)</sup>	75 €	300 €	75 €		
Alumnado con NEAE – EP <sup>(3)</sup>	240€		160€				240€							
Alumnado con NEAE – ESO <sup>(3)</sup>	270€		180€				270€							

<sup>(1)</sup> O número de libros que se indica é o mínimo garantido, pero poderá incrementarse se houbera existencias suficientes no centro.

<sup>(2)</sup> O alumnado cunha discapacidade ≥ 65 % matriculado en 3º, 4º, 5º e 6º EP ou 1º, 2º, 3º e 4º da ESO que, a xuízo do centro docente, non poida usar os libros de texto ou o material dixital do curso no que estea matriculado e non existan libros adecuados no fondo solidario do centro, recibirá a axuda para libros, e poderá adquirir libros doutros cursos ou material didáctico e complementario específico que o centro docente determine (Disposición adicional 1ª).

<sup>(3)</sup> O alumnado con necesidades específicas de apoio educativo (NEAE) que, a xuízo do centro docente, non poida usar os libros de texto ou o material dixital do curso no que estea matriculado e non existan libros axeitados no fondo solidario en ningún curso, o centro expediralle un vale, co que poderá adquirir libros ou material didáctico e complementario específico que o centro docente determine (Disposición adicional 2ª).

Esta situación deberá acreditarse cun informe do centro onde se xustifique a necesidade de adquirir o material indicado para o alumno e a imposibilidade de empregar os libros de texto do fondo solidario de calquera curso, que debe quedar arquivado xunto coa solicitude.